



Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalackersuisunut apeqquteqaateqarpunga.

Naalackersuisunut apeqquteqaatit:

1. Aallarnisaasut aammalu suliffeqarfiit aallarterlaat (ukiut pingasut kingullit iluanni aallartinneqarsimasut) Naalackersuisut qassiussangatippaat, maannakkorpiaq nunatsinni ingerlasut?
 - a) Aallarnisaasut suliffeqarfiillu aallarterlaat kommunini aammalu inoqarfinni qanoq agguataarsimappat?
2. Nioqqutissanik ineriartortitsinermut tapiiffigineqarnissamut annikitsumik taarsigassarsisinnegartut ukiut kingullit pingasut Nalik Ventures-imit qinnuteqaatit qassit tiguneqarsimappat?
 - a) Nioqqutissanik ineriartortitsinermut tapiiffigineqarnissamut annikitsumillu taarsigassarsisinnegarnissamik qinnuteqaatit qassit ukiuni kingullerni pingasuni akuerineqarsimappat?
 - b) Aningaasat qanoq annertutigisut katillugit tunniunneqarsimappat nioqqutissanik ineriartortitsinermut annikitsumillu taarsigassarsiatut Nalik Ventures aqutigalugu ukiuni kingullerni pingasuni?
 - c) Maani nunatsinni aallaarnisaasunut suliffeqarfinnullu minnerusunut nioqqutissanik ineriartortitsinermut tapiissutit annikitsumillu taarsigassarsiat sunnuteqarsimaneri Naalackersuisut qanoq nalilerpaat?
3. Nalik Ventures pingaarnertut periusissiaanut akisussaaffik qanoq ippa Naalackersuisut, departementip akisussaasup aammalu Nalik Ventures akornanni?
4. Ukiunut tulluuttunut pingasunut aallarnisaasunut inuussutissarsiutinullu ineriartortitsinermut Nalik Ventures suliaanut Naalackersuisut anguniagaat pingaarnertit suuppat?
5. Qanoq ilillutik Naalackersuisut qulakkeerniarpaat, Nalik Venture suliniutaasa nuna tamakkerlugu aallarnisaasunut suliffeqarfinnullu minnerusunut iluaqutaanersut?
6. Naaalackersuisut oqaluuserisamut soqutiginaatilinnik allanik paasissutissiisinnaanerlutik?

(Inatsisartunut ilaasortaq Napaartoq Isak Petrussen, Demokraatit)

Tunngavilersuut



DEMOKRAATIT

Aallarnisaasut suliffeqarfiillu minnerusut nutaanik suliffissanik ineriartortitsinermi pingaaruteqartorujussuupput, piffiit siuariartornerinut aammalu maani nunatsinni inuussutissarsiornerup atituumik tunngaveqarnissaanut. Tamanna atuuppoq illoqarfinni annerusuni aammalu inoqarfinni minnerusuni, suliffeqarfiit nutaat suliniarnermut tapiinissaannut, nutaaliornermut aammalu aningaasarsiornerunermut.

Nalik Ventures siunnersuinermi, aningaasaliisarnermi aamma tapersersuinermi aallaarnisaasunut suliffeqarfinnullu suliamut pingaaruteqarluinnarpoq. Taamaattumik tulluurtuuvoq ersarissartissallugu, aaqqissuussat qassinit atorneqarnerisut, aningaasat qanoq atorneqarnerisut aammalu aaqqissuussat sunik sunniuteqarnerisut.

Tassungalu ilutigalugu pingaaruteqarpoq erseqqissartissallugu, Nalik Ventures pilersaarusiornermut naleraanut akisussaaffik qanoq inissisimanersoq, aammalu suut anguniakkat Naalakkersuisut ukiunut tulluuttunut anguniagarineraat. Suliniutit ersarissut tapertaasinnaapput, aallarnisaasut amerlanerusut nuna tamakkerlugu siunnersorneqarnermik, aningaasaliinissamik ineriartornissamullu periarfissanik ammaassivigineqarnerannik.

Apeqquteqaatima ullut suliffiusut qulit iluanni akineqarnissaat qilanaaraara.